

## Universitätsbibliothek Paderborn

**Occupatio animae Jesu Christo crvcifixo devotee.**

**Leroy, François**

**Pragae, 1666**

§.1. Christus crucifixus, cithara Patris.

[urn:nbn:de:hbz:466:1-47123](#)

bus & sculpturis opus est, si eò denique adducendus sunt, ut etiam ruditanti exemplaris effigies, atque imperfectum simulacrum existat! At nimurum hoc ipsum tandem est, ut vel eâ causâ, nihil quamlibet durum atque acerbum sit refugiendum. Hic igitur tunde, Deus, hîc seca. Configuremur nunc imagini viri dolorum, ut in eandem cum illo imaginem postea transformemur in gloria.

Ex his porrò, quæ per plura capita, quadam argumentati connexione, disputata sunt, facile erit animadvertere, vox una Prophetæ Evangelici, quâ Christum à Deo percussum dixit, quâm variam nobis pia commentationis clavam suggerat, ad exaggeratæ inter quævis adversa patientiæ, ex Domini nostri imitatione, informationem. Quippe cùm secundum istud exemplar, nos quoque (uti dicebamus) percuti, tundi, incidi oporteat; sive ut lapides, coelestis stinatos ædificio; sive ut adamantes, divina coronæ intérrendos; sive ut nummos, futuros æternitatis præmium; sive ut botros, dulcem Deo laticem propinatueros; sive ut matromora, in Crucifixi figuranda effigiem; sive (quod extremum proximo capiti reservavimus) ut citharas quasdam, ipso percussu, sanequam suavem Deoque jucundam harmoniam elaboraturas.

## CAPUT XXIV.

*Christianam in adversis patientiam, harmoniam esse divinis auribus jucundissimam.*

### §. I.

*Christus crucifixus, cithara Patris.*

**A**TQUE ut suscepimus commentationi id tanquam fundatum præstruam: video sanctis Doctoribus familiarem

Harem atque jucundam eam cogitationem fuisse, ut vel Christum in cruce distentum, vel ipsam crucem cum Christo in ea extenso, veluti divinam quandam citharam aspicerent, cuius sonus & Deum oblectet, & malignos spiritus fuget, & homines ad ipsius amorem imitationemq; convertat. In primis enim S. Augustinus in illa verba psalmi 56. Exurge psalterium & cithara, ait: carnem Christi humana patientem, citharam esse; cuius suavem harmoniam insonuisse præsertim, dum in passione percuteretur, satis indicat, dum subdit: Sonet cithara, teneatur, flagelletur, irridetur, crucifigatur.

*De prom. p.  
z. c. 25.*

Expressius autem B. Prosper: Si (inquit) Christi Domini citharam respicias personantem; quam ligno crucis, carnis membrorumq; suorum chordis aptasam, pletro dum tangit sancti Spiritus, ipsum quoque diabolum fugavit de cordibus inimicorum, pro quibus in cruce suavem illum sonum protulit, dicens: Pater ignosce illis.

*Alleg. l. 6. c.*

Quam etiam allegoriam rationem in Davidica cithara, figuram crucis Christi per lignum & chordarum extensionem (ut ipse ait) mystice gerente, observat Hugo de S. Victore: itemq; Thaumaturus, in explicatione Dominicæ passionis, his verbis: Vi-

*cap. 16.*

de, Pater amantissime, Filium tuum totum in crucis cithara extensem, cunctisq; membris suis te benedicentem. Jam planè fidelis David citharam corporis sui maximè intendit, suavissimam tibi edens melodiam, & gratissimam, quæ unquam tibi cantata sit, concinens cantionem; Pater (inquiens) ignosce illa, quia nesciunt quid faciunt. Postremò & expressè admotum S. Bernardus libro de Passione Domini cap: 8. ubi animam, Christi sponsam, alloquens, eundem cithara heptachordæ comparat in hæc verba: Cithara (inquit) tibi factus est Sponsus; cruce habente formam ligni, corpore autem vicem supplete chordarum, per ligni planitatem extensarum. Nam nisi ligno affigeretur, neutrum verborum sonum ederet tanquam citharizans, quibus amplius delectareris. Septem chor-

*dae*

das (subdit) haber cithara: & quæ sequuntur. Pergit enim pluribus per totidem capita, septem verba à Christo in cruce prolata, tanquam septem illius divinæ citharæ chordæ considerare. Horum igitur Sanctorum mente ac disciplinâ informatus; in primis inter dolorum tuorum mortis ac sensus acerrimos, ad Christi in cruce suffixi, miserabilem effigiem (quæ similes in usus penes te sit) per intervalla refer oculos, & modulorum ejus citharæ divinâ suavitatem, malorum tuorum acerbitatem aut fallere, aut mitigare consueste. Intuere attento lumine concinnum illud divinitatis organum; ejus membra omnia articulosq; singulare pensiculatiūs contemplare. Aspice, ut illius chordæ, hoc est, sanctissimi ejus corporis nervi, clavorum ope, aptarenti distentiq; sint, & ad perfectum concentum harmoniamq; compositi. Attende perfossi lateris apertum vulnus, quod rosæ instar, eruditæ manus artificio elaborat (prout in testudine assolat): tanquam organi medium obtinet, si gratam quandam melodiam, eo repercuttu, temperationem. Verum quām peritus tangendi artifex æternus Pater, qui dexteræ suæ digito, id est Spiritu Sancto, divini hujus instrumenti nervos percudit, & fides solicitat, ut & illa se jucundissimâ harmoniam, filij inquam sui, tot inter crucis & acerbitates, compositissimâ suavissimâq; patientia, reliquarumq; ejus virtutum contemplatione & quasi concentu, oblectet; animosq; nostros divinorum illorum modorum suavitate captos trahat ad sese, & imitandi (quoad ejus fieri poterit) cupiditate incenda.

Porro divinum melos, quod in crucis ligno distentus & percussus à Deo Christus edidit; vel ille est virtutum in Christo tanquam concentus, & inter tormenta animi moderatio, & (ut ita dicam) modulatissima æquabilitas; vel, quod S. Bernardo placere vidimus, septem extremæ Christi voces; quas veluti septem vocum discrimina, totidem citharæ

tharæ chordis respondentia , aut (ut ipse ad B. Mechtildem Christus loquitur) ut septem miræ suavitatis cantica , ad crucis citharam in amoris thalamo cecinerit; & quibus animo comprehensis atque retentis , germanos Crucifixi amatores , ærumnas suas atque dolores consolari voluerit.

Hoc igitur nunc age ; & quando , ut inquis , tui te dolores intolerabiliter cruciant ; omissis vanis avocamentis , ad hujus citharæ suavitatem aure cordis admotâ , hinc sume certa patientiæ Christianæ magisteria , hinc malis tuis non inutile delinimentum , inde molestiarum atque dolorum allevamentum require . Perspicias tandem , mihi credere , quid distent humanis divina solatia , neque ullum esse tantum dolorem , cui non similibus pia mentis exercitijs , ubi ijs paulum assueveris , medicinam aliquam atque levamen invenire possis . Hoc primum .

§. 2.

Nos etiam , ceu DEI citharas , & varie tangi , & DEO dulcem de nobis melodiam reddere debere .

Dein ad uberioris istius pia cogitationis operæ pretium , illud insuper tecum statues : te quoque dum aliquid pateris , Salvatoris exemplo , instar divinæ citharæ esse debere . Sic enim rursum , sed alio in loco de nobis ipsis sermonem faciens S. Augustinus : *Cum aliquid* (inquit) *patimur* *In ps. 42.* *tribulationum , temptationum , scandalorum in terra , cithara* *est* . Cui itidem consonans Hugo de S. Victore , Annotacionum in psalmos cap: 65. cui titulus est , *De cithara spirituali* ; ejusmodi citharam mysticè describens , ait : *Chordam esse* *hominis iusti corpus , quod maceratur & tenditur , inter paenam* *carnis , & dolorem cordis : clavos esse timorem DEI , ejusq; a-* *morem : plenum autem , gratiam* . Denique sicuti chorda siccatur & tenditur , ut sonitum reddat ; ita hominis carnem oportere , siccari per abstinentiam , tendi per patientiam .

Ffff

Addere